

**«Няньён да солон да...»**

\*\*\*

Сувталёны да сьылёны гудок улё.  
Няньён да солон да  
Му вылас олан да,  
Сёмын өд асьтё он тёд.  
Му вылад олысьлы  
Колё и волысьны,  
Колё и лолыдлы пёт!  
Овлё съёд кымёра,  
Юр весьтёд гымалё,  
Овлё и шондіа лёз.  
Мед эськё шудлуныд  
Шедёдчас кутлыны,  
Мед эськё Ен да бур йёз!  
Нимкодъыд, долыдыд  
Зэв дыр оз волы да,  
Эм на и шогыдлы сай.  
Юыштам вайё да,  
Юрө мед кайё да,  
Сё майбыр, лёсялө тай!

Коркё эськё йөктывлі,  
Коркё эськё сьывлывлі.  
Мусукөйлысь гудок шысё  
Весиг вөтөн кывлывлі.  
Коркё эськё рытйысьлі,  
Коркё эськё окасьлі.  
Мамөлы ни, тёдсалы ни-  
Некодлы эг шогасьлы.  
Коркё эськё нылавлі,  
Верөс сайё петавлі.  
Ачыс коравнысё воліс,  
Некодөс эз медавлы.  
Коркё эськё нөбасьлі,  
Коркё эськё быдтысьлі.  
Бара на көть томмылан да,  
Олём помад кытысь нин.  
Коркё эськё чайтөма,  
Бур олөмсё дольөма.  
Коркё эськё мый эз вөв да,  
Коркөыс и кольөма.

\*\*\*

Окулина, меланьджык!  
Мусуканой, тэланьджык!  
Коді кодкөд лөсялө,  
Сы дінө и пөсялө.  
Лолыд гы моз лыбавлө,  
Кокыд выло кыпавлө.  
Абу сурысь-винаысь  
Миян костын инаыс.  
Некод абу зырысьыс,  
Миян костө пырысьыс.  
Топөдчылам топыда,  
Шуоны мед, со пө тай.  
Бөрти рытнас колльөда,  
Веж юрситө мольөда.  
Окышта да, гашкө да,  
Мыйкө на и вашкөда.  
И ог көсйысь дорала,  
Босьта да и корала.  
Абу тэысь коланыс,  
Сьөлөм выло воаныс!

\*\*\*

Ок и ок, ок и ок,  
Өти зонмысь босьтө шог.  
Абу ыкша, абу наян,  
Абу мукөдыс кодь лөк.  
Ок и ок, ок и ок,  
Өти нылысь босьтө шог.  
Абу сямтом, абу туйтөм,  
Абу, майбыр.чукля кок.  
Ок и ок, ок и ок,  
Өти зонмысь босьтө шог.  
Абу юысь, абу полысь,  
Абу синмас чир ни ёг.  
Ок и ок, ок и ок.  
Өти нылысь босьтө шог.  
Аттө, лөсьыд, аттө, позьө  
Видзөдлыны гөгөрбок.  
Ок и ок, ок и ок,  
Кыкнанныслөн өти шог.  
Тадэтө он и помө волы,  
Он ко воча-воча лок.

\*\*\*

Роч Иван, Роч Иван,  
Мый нө сідзи видзөдан?  
Со тай кымын мича нылыс,  
Мыйла менө кыйөдан?  
Роч Иван, Роч Иван,  
Тэ өд менө ылөдлан.  
Он и төдлы, рочад мунан,  
А ме, йөйыд, коля тан.  
Роч Иван, Роч Иван,  
Дыр-ө менө шогөдан?  
Абу жө тэ меным мустом  
Овны ко тан думайтан.  
Роч Иван, Роч Иван,  
Мый бара сэн сералан?  
Сэки меным шудыс усьө,  
Кор тэ менө коралан.  
Роч Иван, Роч Иван,  
Тадзтө кө и — гижасям!  
Сизим кага тэныд вая,  
Отлаын и быдтысям.

\*\*\*

Шөвк чышъяна, сарапана,  
Ывла вылын ветлөдлө.  
Гөгрөс бана, кыз ситана,  
Менсьым вежөс петкөдлө.  
Шөвк чышъяна, сарапана,  
Син водзын и пөртмасьө.  
Дугды, мамө, лөвтны паныд,  
Шуи ко, и гөтрася.  
Гөгрөс бана, кыз ситана,  
Муса гөтыр, сьөлөмшөр.  
Кыз ситана, сө сөтана,  
Керка өдзөсө оз төр!  
Шөвк чышъяна, сарапана,  
Ышкө-пошкө, котөртө.  
Гөгрөс бана, кыз ситана —  
Аслам синваөй пето!

\*\*\*

Гашкӧ, воштылі ме юрӧс,  
Ньӧти ачымӧс эг кут.  
Быдӧн виччысян ӧд бурое,  
Быдӧн виччысян ӧд шуд.  
Кодкӧ пето верӧс сайӧ,  
Кодкӧ курыдсӧ 03 тӧд.  
А мен гажа рытые тайӧ  
Быттьӧ сьӧлӧм кырлан вот.  
Пыдӧсы пето Анна, тэр-  
масьӧ.

\*\*\*

Онӧ меным ывла вылас  
Шондӧ югӧрыс оз усь.  
Кодӧ кытӧн менӧ кылас,  
Кодлы ме моэ войыс кузь?  
Гашкӧ, матын, гашкӧ, ылын  
Кодкӧ ӧтка олӧ шань.  
Енмӧй, Енмӧй, висьтав сылы,  
Мый эм кӧнкӧ ӧтка ань.

\*\*\*

Вӧралысь - вӧралысь,  
Пемыд вӧрсӧ шӧралысь.  
Зэв дыр кезлӧ бара мунан,  
Лоӧмыд тай вӧралысь!  
Вӧралысь - вӧралысь,  
Нывъяс выло скӧралысь.  
Ассьыд понтӧ сӧмын тӧдан,  
Лоӧмыд тай вӧралысь!  
Вӧралысь-вӧралысь,  
Вай мен сюрсӧ йӧралысь.  
Эз и петав весиг нюмыд,  
Лоӧмыд тай вӧралысь!  
Вӧралысь - вӧралысь,  
Абу ӧд тэ дзӧралысь.  
Со и тошкыд на оз быдмы...  
Лоӧмыд тай вӧралысь!  
Вӧралысь - вӧралысь,  
Пемыд вӧрсӧ шӧралысь.  
Коркӧ аслыд вӧтӧн уся...  
Лоӧмыд тай вӧралысь!

\*\*\*

Йөзыс узьны водалө,  
Личкө найөс ун.  
А ме, коньөр, кодала,  
Гортө ог на мун.  
Иөктігтырйи сьылышта  
Томдырсяөй ног.  
Курыда бөр ньылышта  
Ортсө петысь шог.  
Олөмтө көть олөма,  
Он өд өшөд юр.  
Сьөлөмыдлы колө на  
Войт мында көть бур.  
Өткаыдлы, аньыдлы,  
Сибалөма нор.  
Оз нө лөсяв каньыдлы,  
Малалыштан кор?  
Сюрас шудтө нуысьыд,  
Корсьны оз на ков.  
Абу тай вот шуысьыс,  
Лок пө мекөд ов.

\*\*\*

Муслуныд волө и оз.  
Сьөлөмыд сылы и поз.  
Көсьян кө, волас-а,  
Видзан кө, олас-а,  
Он кө и — оз!  
Муслунтө дойөс моз кылан,  
Пежавны сійөс он сет.  
Медтыкө сөмын он ылав,  
Морт шөрө веськалан мед.  
Нинөмөн асьтө он бурөд,  
Он кө тай мусаөн ло.  
Откодь век синваыд курыд,  
Кольө көть сы мында во.

\*\*\*

Ойя да, ойя да,  
Вөлі югыд воя да.  
Вөлі югыд воя да,  
Кодкө небыд соя да.  
Ойя да, ойя да,  
Сьөлөмыд век доя да.  
Сьөлөмыд век доя да,  
Кодкө небыд соя да.  
Ойя да, ойя да,  
Шогсө шогөн коя да.  
Шогсө шогөн коя да, Кодкө  
небыд соя да.  
Ойя да, ойя да,  
Став олөмөс лоя да.  
Став олөмөс лоя да,  
Кодкө небыд соя да.

\*\*\*

Мый и пөрысьыдлысь босьтан,  
Енлы кө нин видзан лов.  
Асывнас кор синтө восьтан,  
Сыысь бурые оз и ков.  
Эськө татшөмөсь эг вөлөй,  
Быдөн коркө вөлі том.  
Мырдөн вөтлан коньөр вөлөн  
Рөдтіс олөмыс и — пом.  
Ваймөм сьөлөмтө өн такөд,  
Выльысь песты бипур ног.  
Регыд мунам шойна ягө,  
Кытысь некод нин оз лок.  
Райо веськалам-ө-адө,  
Некод висьтаваны оз куж.  
Сөмын шогыд вой шөр кадө  
Усьө-усьө, быттьө пуж.